



宇多天皇事記
史料十八
十下

U175
2063
18





史料卷之十八

宇多天皇事記第十下起寬平八年七月

七月小庚辰朔

五日甲申中納言道真請被議定檢稅使可否事

菅家文草請令議者反覆檢稅使可否狀右

臣某謹言件檢稅使始議之日臣奏曰臣所

見只讚此一國也以彼國之風論之若遣此

使者頗有物煩歟其日大納言源朝臣能有以下



二三人同有不快之氣其後令重議之場大
納言奏所勘定剩物之内若半分若三分一
適被返給於事無妨參議源希朝臣等意雖
無所專許偏被引公益遂無所固難臣某亦
復如是其後使定之日臣須暫諫止其點使
事盡愚心以窮可否而未得量決之間依有
所疑猶豫不奏議畢之後伏思起慮欲罷不
能其間一兩治國能知政術者乍聞此事無

不_レ愁悶越前守小野朝臣葛絃等是也又大
納言以下雖奏无妨之狀于今猶有内歎臣
厚蒙國恩早昇高官人之所不安曾不可隱
忍凡此議初起之由為勘出帳外之剩物以
相補國用之不足也以名言之公益甚多臣
始不固難之故是也以實論之物煩不少臣
今所重請是也何者天下諸國其俗各雖小
異其政孰非一同况乎世衰國弊民貧物乏

是故或國司乖文法以迴方略違正道以施
權議雖動不為已其事皆犯法臣今舉三條
之否謹待一覽之用臣伏惟假令或國有百
萬之正稅其見所勘收者五十萬其遺五十
萬是返舉也收納之日其返舉之物只出利
稻不出本稻便留在民身是又明年為返舉
者也如是之例歷年已久不可忽變而其國
百萬正稅之外更有十萬剩物惣而計之國

中雖有百十萬之官稻其所實在者六十萬
也出舉正稅五十萬其返舉之民不給見稻
帳外剩物一十萬者專依借貸多成公事其借貸用件剩物爰
借貸無利正稅有利給無利之實物充有利
之虛物斯乃國司之所以成事百姓之所以
均役也况當于損年補調庸闕充租稅欠之
儲亦此物也天下分憂之吏不必有奸盜人
適依有奸人私用之疑專被收良吏非常之

儲臣所大恐者後代有割股肉而療飢之喻
是為國司可失治術其否一也又假令依實
將勸收什剩物凡剩物者多是穎稻也諸國
穎稻者利稻用度之外皆是輕升也多者三
升以下少者一升以上雖理不可令然而天
下之風如此又收什物之後任色可充用其
充用之間又頒施百姓而已春米則所欠之
積自為所負買物則受直之民隨成損弊事

依有煩置而不用者勸收之謀全可相違耳
是為百姓可致愁苦其否二也又今所點使
者在京七人之中左中辦平季長者宮中要
領之人也聖主所照不更具陳式部少輔紀
長谷雄者北堂文選講說未畢諸道學生課
試有負勸解由次官大藏善行者勸不與解
由狀并修貞觀以來國史主稅頭善世有友
者勸諸國公文之職不可一日无此人夫膳

大夫純清躬者是可為官長者也而明年闕
固其大者有數推計可任之人兩三人之內
清躬其一人也左大史望材者本職忽劇之
上山崎橋事是急務也近日催促殊加恪勤
今日如使者等所申者經一年餘僅可窮使
事者件等要籍之人東西出去經一年餘假
令萬分之一有所實得各之所預之事共有
擁滯人二所思之謗遂無排却是為公私可

無所得其否三也望請未召出使等之前重
令大納言以下反覆議定臣依此事之有公
益不敢進狂昧之諫諍今所請者欲令群臣
重辨議以開愚臣之鬱結也使者未點之前
不奏之怠臣不敢避罪雖然聖主收視反聽
以叶古人一日三省之義臣某謹奏寬平八
年七月五日中納言從三位兼行左大弁春
宮大夫侍從管原朝臣

按大夫上
宜補權字

十日^{丑巳}令檢非違使別當光勸錄囚人事

十三日^{辰壬}免輕罪事

管家支草復奏囚人拘放狀右臣某今月十三日謹奉口勅云去十日令檢非違使別當從三位中納言兼行左衛門督源朝臣勸錄左右獄中繫囚之數十一日錄奏既訖須朕親到獄對放遣而德不及古事未宜今汝者朕之近習也大師也列見罪人依實拘放令

如朕之所念者臣伏奉勅旨十三日早朝率從五位上守左少辨源朝臣唱大外記正六位上多治有友左大史正六位上大原史氏雄等會集右衛門府并殿于時左右檢非違使佐以下召列罪人等同候南門外大路臣召使等先令辨申所犯輕重使等勸會日記過狀一^左二^右執申其犯重其罪明者十六人^十一人^五先死其遺十四人即加防援各

還本獄其犯有疑其罪未定者四十六人_{二左}
_{十八人}右令使等計列南門之前臣率辦以
下及檢非違使等著門中壇上胡床即口宣
曰奉勅罪人汝等或被疑殺人傷人強盜竊
盜或被告偽印強斫投石放火如是等罪科
法有限今加聞有司搜實情之間空送二三年
獄官尋證驗之內縱經五六月須雖累年
序雖積旬月槪定其犯明立其罪任理出入

隨事拘放然而別有所念直以放免汝等重
有所犯後日曾不寬宥者罪人等共稱唯或
伏地嗚咽或仰天嗟嘆勅使府官道路見聞
不勝感泣拭淚而歸臣某頓首頓首死罪死
罪伏錄事狀謹奏寬平八年七月

十六日_{乙未}任大臣事

扶桑略記云七月十六日右大臣藤原良世
任左大臣_{七十五}大納言源能有任右大臣_{十五}

二 文德天皇一男

公卿補任云右大臣從二位藤良世七月十

六日任左大臣大納言正三位源能有左大

將東宮傳民部卿七月十六日任右大臣一按

代要記歷代皇紀為十二日帝王編年記古今集目錄同本書

是月參議高藤上表事

菅家文章為藤相公請罷職狀右臣高藤謹
言臣伏奉去年十月二十六日詔旨以臣被

任參議之列臣須激勵愚性扶持病身晨昏

備貧左右從事而衰老迫來宿痾彌倍計不

上則拜除之後及三百日量其力則尪弱之

中過六十年縱使皇恩忍以無咎如何天鑒

明而不容思之顧之以畏以慎伏願特降寵

光罷臣參議不勝至歎修狀抗聞臣高藤誠

惶誠恐頓首頓首死罪死罪謹言寬平八年

某月某日參議從三位行近江守臣藤原朝

臣高藤此表不知何月然據不上三百日
之文正在今月本朝編年錄亦繫此
月必有
所見

八月大巳酉朔

五日癸丑相撲召合事

樗囊抄相撲條云八月召合例寬平八八五

十六日甲子參議湛等修父左大臣融周忌法會

事

菅家文章為兩源相公先考大臣周忌法會

願文寬文八年八月弟子參議從四位上源朝

臣湛參議從四位下源朝臣昇等歸命誓首

諸佛聖衆弟子所天大臣宿昔發願始繕寫

一切經復次作念漸歸依彌陀佛佛像未現

經王猶欠言事相違始終如失遂以去年八

月二十五日藥動薨逝弟子等眼流新淚心

計舊懷馮畢經王之有欠者即法藏分教求

而聚焉造成佛像之不現者亦觀音得大隨

而具矣所天尋常言曰棲霞觀者嵯峨聖靈
久留睿賞假使暫為風月優遊之家唯願終
作香花供養之地是故弟子等新添堂楬於
彼觀全納經典於其中西方一佛勸請以備
本尊東京兩家因誓以資禪定皆是所天尊
靈之宿心曾非弟子遺孤之新意嗟乎日月
不居忌辰忽至瞻仰尊顏諦聽經目一心也
一念也令我所天尊靈定往生極樂界功德

善根不可思議如佛所說平等利益

二十日

戊辰

相撲物部棟業為最手事

小野宮年中行事云物部棟業寬平八年八

月廿日給寂手官符

廿八日

丙子

中納言道真兼民部卿事

公卿補任云中納言從三位管道真八月廿

八日兼民部卿春宮權大夫左大辨侍從遣

唐大使加元止武部權大輔

按管家傳記為昌泰元年誤也

但止大輔為七年七月者與管家文草類聚
三代格政事要略大安寺錄起等所載位署
從合可

九月小 已卯朔

五日 癸未 分阿波國名方郡為兩郡事

類聚三代格昌泰元年官符云得阿波國解
備名西郡司解備名東名西二箇郡元為一
郡而依大政官去寬平八年九月五日符旨
分為兩郡七箇鄉為名東郡四箇鄉為名西

郡 全文在昌泰元年七月

和名類聚抄云阿波國國府在名東郡本是
名方郡也今分為東西二郡

令放填交替欠國郡司解由事

類聚三代格云太政官符應依舊遷替吏隨
填交替欠差分放解由事右得駿河國解備
太政官去年七月十一日符備任用之吏政
無有闕而其不與解由狀載國中前後諸未

弁濟事詳檢事意曾無公益中納言兼右近
衛大將從三位行春宮大夫藤原朝臣時平
宣奉勅自今以後且諸國任用之吏被申不
與解由狀唯令載其預事及身犯但至犯用
官物則一人有犯餘官同坐仍如格式又受
領卒死之間任用行事若有自借判署犯用
之色者後司進實錄帳之日不待犯人解退
細錄其狀直以申官其待裁之間莫預釐務

者謹業交替式云任中未納雜官稻觸忍有
數國司史生以上共作差法各填已分且給
解由者又廩庫律云財物安置不如法若曝
涼不以時致損敗者計所損敗坐贓論減二
等注云皆以官長為首以下節級為從者又
云舊說云國司郡司共科同罪其備償之法
中分其物半分國守以下作差填之半分郡
領以下作差填之者今如官等任用之吏非

有預事及身犯者皆可與解由至于未納官
稻損敗財物總可負官長一人若所負數多
則填進無期官物自失望請前後未并濟事
依新制而可免多少交替欠物存舊典以不
改然則奸避之輩自絕官物之損無有謹請
官裁者左大臣宣奉勅依請諸國准此寬平
八年九月五日
九日丁亥重陽宴事

管家文草九日侍宴同賦菊花催晚醉應製
高陪嘉宴席快飲菊花盃有感朝儀盛無知
晚醉催孤蓂隨見發四字應聲來入夜心酣
暢練連荷祿迴

十日戊子重陽後朝事

管家文草九日後朝同賦秋深應製年有一
秋秋有三就中李白意難堪雨寒遠感吳江
水風冷遙思楚嶺嵐淺分花凋蘭不恨貞心

露結竹猶含穿雲明月應能照何更人前事

事談當時依微諫頁小讒
應製之次聊以形言

十一日巳依慶雲瑞公卿上賀表事

十文在
十月

十九日丁酉令科責任終年調庸未徵前司事

政事要略云太政官符七道諸國司應科責
任終年調庸未徵前司事右得越前國解備
檢太政官去寬平二年九月十五日下午五畿

內七道諸國符備格出之後順法者少加以
諸國司等申請稠疊斯即緣時俗雕弊人民
難任也為政之道事尚寬賒施令之本宜存
必濟今須任終年調庸未進令後任吏弁進
雖未取返抄而莫致拘累但據式貢調使者
物之與帳同領入京不得先後零疊然則雖
弁濟未進寔在後司而催發調物事屬當時
若寄事後人專闕乃貢者加其科責一如前

符謹案格旨凡謂令後任吏弁進者前司徵
貢之物後任究成其務之意也又謂寄事後
人專闕乃貢加其科責一如前符者文闕又大
同二年言違期未進等罪之格其文明矣而
或前司至于任終時新任人徒過徵納之限
遂違貢進之期交替之日分付之時不備實
物無定綱領新司雖注不與前司解由狀言
上而更被拘後吏可弁進之格官物逐年次

第輸貢今之新任者後之前司也前科後分
國司共徵一身兩役百姓何堪望請有前司
不勤徵任終年調庸而致無實者專任法條
將被科責然則、致緩怠者且、罪科專守
公平者彌增濃勵者遣唐大使中納言從三
位兼行民部卿左大弁春官權大夫侍從管
原朝臣道真宣奉勅凡違期未進之怠隨其
形迹據大同格莫宥前司唯弁濟究成之勤

彼功績從寬平符須委新任并或新司作
見前司少許未進依無他累適與待新吏之
可究不知責前司之有怠自今已後宜為永
例五畿內七道諸國亦宜准此者諸國承知
依宣行之符到奉行寬平八年九月十九日

廿二日庚子廢皇太后配流僧善祐事

扶桑略記云九月二十二日陽成太上天皇
之母儀皇太后藤原高子與東光寺善祐法

師竊交通云二仍廢后位至于善祐法師配

流伊豆講師按帝王編年廿二日

古今集目錄云二條后諱高子中納言從二

位贈太政大臣藤原長良二女元慶六年正

月為皇太后寬平八年九月廢之歲五十五

公卿補任云權中納言從三位藤原經九月

廿二日停皇太后宮大夫

伊勢集云云祐事記又載之

けり此の如く人乃くよき事なり後撰之の如く記していへば
あひて人と思ふ人かきとある世に命ともなり
拾遺集云若法師ありて法をうけりて
母乃いはいづるもなむ海世にみかるといふ
りふもねんかかるといふ事なり

廿三日辛丑立諸社使事

西宮記云寛平八年九月廿三日依廢后事
發諸社使

賜廢后封戸事

大鏡裏書云皇太后宮高寛平八年九月廿
二日廢后位同廿三日賜封四百戸

廿四日壬寅立山陵使事

西宮記云廿四日依廢后事發山陵使

是秋前備前少目賀陽良藤為靈狐所惑事

扶桑略記云善家秘記云清行余寛平五年出為
備中介時有賀夜郡人賀陽良藤者頗有貨

殖以錢為備前少目至于寬平八年秩罷居
住本郡葺守其妻淫奔入京良藤鰥居於一
室忽覺心神狂亂獨居執筆諷吟和歌如有
挑女通書之狀或時有與女兒通慇懃之辭
然而不見其形如此數十日一朝俄失良藤
所在舉家尋求遂無相遇良藤兄大領豐仲
弟統領豐蔭吉備津彥神宮禰宜豐恒及良
藤男左兵衛志忠貞等皆豪富之人也皆謂

良藤狂悖自捨其身悲哽懊惱求其屍所在
然猶無遇俱發願云若得良藤死骸當造十
一面觀世音菩薩像即伐柏樹與良藤形體
長短相等向之頂禮誓願如此十三日良藤
自其宅藏下出來顏色憔悴如病黃痺者又
其藏無柱唯石上居桁下去地纔四五寸曾
不可容身而良藤心情醒寤語云鰥居日久
心中常念與女通接於是女兒一人以書著

菊華來云公主有愛念主人之情故奉書通
慇懃即開書讀之艷詞佳美心情搖蕩如此
往反數度書中有和歌遞唱和彼遂以饋車
迎之騎馬先導者四人行數十里許至一宮
門老大夫一人迎門云僕此公主家令也公
主令僕引丈人於是從家令入門屏間其殿
屋帷帳綺餽甚美須臾薦饌珍味盡備日暮
卽入燕寢終成懽好意愛纏密雖死無恠晝

則同筵夜則併枕比翼連理猶如疎隔遂生
一男兒兒聰悟狀貌美麗朝夕抱持未嘗離
膝下常念改長男忠貞為庶子以此兒為嫡
子此為其母之貴也居三箇年忽有優婆塞
持杖直昇公主殿上侍人男女皆盡逃散公
主又隱不見優婆塞以杖突我背令出狹隘
之間顧而視之此我家藏桁下也於是家中
大小大恠卽毀藏而視之狐數十散走入山

藏下猶有良藤坐卧之處良藤居藏下終十
三箇日也而今謂三年又藏桁下纔四五寸
而今良藤知高門縮形出入其中又以藏下
令加大殿帷帳皆靈狐之幻惑也又優婆塞
者此觀音之變身也大悲之力脫此邪妖而
已其後良藤無恙十餘年年六十一死按今昔物
語元亨釋書又載此事但今昔以三年為十三年
十月小戊申朔

三日庚戌行幸朱雀院并尚侍淑子家事

西宮記云寬平八十三幸朱雀院同日幸尚

侍淑子家獻物於天皇云二在外記

又云寬平八十三天皇幸尚侍淑子家中納

言時平以下拜舞按時平者淑子之姪也

十日丁巳加維摩會暨義事

興福寺年代記云寬平八年今年以後維摩
會次暨義被加副本暨義智清次暨義增孝

律宗階
業云

十一日戊午免檢非違使等不直彈責事

政事要略云別當中納言從三位源朝臣光
宣奉勅左右檢非違使等行政之日免不直
彈之責者寬平八年十月十一日左衛門權
佐源朝臣實奉

是月依公卿賀慶雲賜勅答事

管家起草答公卿賀薩摩國慶雲勅勅公卿

十八之二十

去九月十一日表狀曰大宰府奏慶雲見管
薩摩國有司考之上志以為政致和平之應
也德至山陵之感也朕省表以恐之聞瑞以
懼之即位之後九載于今水旱疫癘軍兵盜
賊宣是政和德至之言可以偷措齒牙乎君
臣者一體之分也朕可耻卿等亦可耻抑而
止之勿為虛賀耳寬平八年十月日奉勅製

二十十一月大丁丑朔

二十日丙申解任四度使違期不上道者事

政事要略云太政官符七道諸国司應四度公文使違期不上道者不待所司勘申解却見任事右得駿河国解備被民部省去寬平六年十月十四日符備太政官去九月廿九日符備得省解備主稅寮解備進正稅帳者諸国二月廿日者今諸国遠者廿年以下近者五年以上或黜而不進或進而不勘望請

殊立科條嚴誠將來者左大臣宣奉勅依請者今須件帳一任之內或過時不進或雖進不勘之輩遷替之日雖得解由返却不收者謹案式四度公文進官之程各立期月牧宰之勤曾無懈緩而件使等左右奸避動致違期今雖新制彌重責在長官而至奉使之入更無罪法望請使人無故不上道之輩須依實勘定具狀言上不待所司勘申將被解却

見任然則人心頗慎公文無擁仍去年九月
十四日、已畢而未蒙裁下重請早蒙官
裁令勤公事者遣唐大使中納言從三位兼
行民部卿左大弁春宮權大夫侍從管原朝
臣道真宣奉勅依請五畿內七道諸國承知
依宣行之符到奉行寬平八年十一月廿日
按類聚三代格又載此符而
文理錯亂不加本書詳明

十二月大丁未朔

十三日巳未齊世親王入學事

桂林遺芳抄云寬平八年十二月十三日齊

世親王入學當日早朝召文章博士紀長谷

雄御自持名簿賜之長谷雄拜舞親王參堂

云二按河海抄
又載之

廿九日乙亥左大臣良世致仕事

一代要記云左大臣藤良世從二位寬平八

年十二月廿九日致仕時年七十四

按公卿
補任為

廿五日又男恒佐尻付為廿八日帝王編年記河海抄同本書

河海抄云藤原良世寬平八年七月十六日

任左大臣十二月廿九日上表致仕詔許十七

四號致仕大臣

是月菅原衍子為女御事

一代要記云菅原衍子寬平八年十二月為

女御右大臣菅原道真一廿一日十三日齊

是冬制御琴袋等事

本朝文粹累代寶琴銘長谷雄納言于時寬平八年之冬也

承和樂器鳴琴已傳華軫鳳足依舊不悛今

之所制唯袋與絃藏之府庫遺於百年

是年重減服御省年料事

管家文草重減服御省年料勅朕去仁和

寬平元五年二月廿日服御常膳務從省約所司准

蓄四分減一朕心不憚慮無再慮願舉塵

露之積將成禮節之知豈圖水旱兵疫年頻

有災諸國自闕調庸百官隨無俸祿不怨天
不尤人不嫌鬼不責神朕之無道獨自取之
今重減服御三分之一新省年料雜物之半
其餘用度中分以折百姓單寒朕不忍見既
無謀於富國唯合體於貧民而已布告內外
知朕意焉王者施行寬平八年月日奉勅製
之

北堂文選竟寧事

管家文草北堂文選竟寧各詠詩句得垂月

弄潺湲

仁壽年中中文選竟寧先君詠句得招
隱俱在山古調多叙所懷予今習先
君體寄詩言文選三十卷古詩一五言五言

何秀句垂月弄潺湲半百行年老尚書庶務

繁雖思樂風月不放到丘園非唯無所樂悠

悠有所煩水空觸眼逝月暗過頭奔摠為貪

名利亦依憂子孫此時玩斯集如避世喧二

按此寧據本集次
序在九月以後

和漢合運云寬平八年紀長谷雄講文選

始任八幡檢校事

東寺長者補任云權大僧都益信法務今年兼

任八幡檢校云二檢校始也按釋家初例抄又載之

大宰府疫癘發事

菅家文章寬平九年仁王會呪願文云去年

言上大宰大疫近日有聞京都漸患嚴情不

安怖畏無極全三在九

掃部頭滋蔭卒事

古今集目錄云小野滋蔭仁和四年二月十

日任大藏少丞十一月廿五日叙從五位下

寬平三年正月世日任周防守五年三月十

五日任信濃介四月廿九日任掃部頭八年

卒

古今集物名表云小野の、高け、う、年、是、引、乃、山、を、ち、を、か、く、ま、ゆ、く、一、等、北、原、く、さ

この世にこそは

古今の歴史を

探る

正日刊

宣平

日刊

古今

史料卷之十八

